

জাতীয় বীজ বোর্ডের কারিগরি কমিটির বিংশ/২০তম সভার কার্যবিবরণী

ডঃ এস ইউ চৌধুরী, নির্বাহী সহ-সভাপতি, বাংলাদেশ কৃষি গবেষণা পরিষদ এর সভাপতিত্বে জাতীয় বীজ বোর্ড এর কারিগরি কমিটির ২০তম সভা গত ৩০-৬-৯০ইং (১৫ই আষাঢ় ১৩৯৭ বাৎ) তারিখ শনিবার বিকাল ২.০০ ঘটিকায় বাংলাদেশ কৃষি গবেষণা পরিষদের সম্মেলন কক্ষে অনুষ্ঠিত হয়। উল্লিখিত সভায় কারিগরি কমিটির সদস্য এবং সংশ্লিষ্ট প্রজননবিদ/বিজ্ঞানী/কর্মকর্তাদের উপস্থিতিতে (সংযোজনী-১) নিম্নে বর্ণিত বিষয়ে বিস্তারিত আলোচনা এবং সিদ্ধান্ত গ্রহণ করা হয়।

আলোচ্য বিষয়-১ : জাতীয় বীজ বোর্ডের কারিগরি কমিটির ১৯তম সভার কার্যবিবরণী নিশ্চিতকরণ।

জাতীয় বীজ বোর্ডের কারিগরি কমিটির ১৯তম সভার কার্যবিবরণী বিভিন্ন গবেষণা ইনস্টিটিউটের প্রধান এবং সংশ্লিষ্ট বিজ্ঞানী সহ কারিগরি কমিটির সকল সদস্যদের নিকট যথাসময়ে প্রেরণ করা হয়েছিল। কার্যবিবরণী বিতরণের পর আজ পর্যন্ত এ বিষয়ে কোন আপত্তি আসেনি। আলোচ্য সভাতে উক্ত কার্যবিবরণীর উপর আলোচনা করা হয়। আলোচনায় আলোচ্য বিষয়-১ এর সিদ্ধান্তে কারিগরি কমিটির ১৮তম সভার কার্যবিবরণী নিম্নোক্তভাবে আংশিক পরিবর্তন পূর্বক ১৯তম সভার কার্যবিবরণী সর্বসম্মতিক্রমে অনুমোদন করা হয়।

আংশিক পরিবর্তন : ১৮তম সভার কার্যবিবরণীর আলোচ্য বিষয়-২ সিদ্ধান্তের উপর মহা-পরিচালক, বিজেআরআই কর্তৃক জাতীয় বীজ বোর্ডের সভায় বক্তব্য রাখার ব্যাপারে সুপারিশ গৃহীত হয়।

সিদ্ধান্ত : জাতীয় বীজ বোর্ডের কারিগরি কমিটির ১৯তম সভার কার্যবিবরণীর উপরোক্ত সংশোধন পূর্বক অনুমোদন করা হয়।

আলোচ্য বিষয়-২ : জাতীয় বীজ বোর্ডের কারিগরি কমিটির ১৯তম সভার গৃহীত সিদ্ধান্ত বাস্তবায়ন।

উক্ত সভায় বিগত ৭-২-৯০ইং তারিখের অনুষ্ঠিত কারিগরি কমিটির ১৯তম সভায় গৃহীত বিভিন্ন সিদ্ধান্তসমূহ বাস্তবায়নের বিষয়ে আলোচনা হয়। আলোচনায় জানা যায় যে, সভায় গৃহীত বিভিন্ন সুপারিশসমূহ যথারীতি সংশ্লিষ্ট প্রজননবিদকে জানানো হয় ও গত ১০-২-৯০ইং তারিখের জাতীয় বীজ বোর্ডের বর্ধিত বিশেষ সভায় পেশ করা হয়। এবং জাতীয় বীজ বোর্ডের বর্ধিত বিশেষ সভার সিদ্ধান্তসমূহ সংশ্লিষ্ট সকলকে অবহিত করানো হয়। কারিগরি কমিটির সিদ্ধান্ত বাস্তবায়নে উপস্থিত সদস্যগণ সন্তোষ প্রকাশ করেন।

আলোচ্য বিষয়-৩ : ইক্ষু গবেষণা ও প্রশিক্ষণ ইনস্টিটিউট কর্তৃক উদ্ভাবিত আখের দু'টি জাত ঈশ্বরদী-২০ ও ঈশ্বরদী-২১ এর অনুমোদন।

ক) ইক্ষু গবেষণা ও প্রশিক্ষণ ইনস্টিটিউট কর্তৃক উদ্ভাবিত আখের জাত ঈশ্বরদী-২০ এর অনুমোদনের বিষয়ে সভায় বিস্তারিত আলোচনা হয়। আলোচনায় অংশগ্রহণ করেন বাংলাদেশ কৃষি উন্নয়ন কর্পোরেশন প্রধান ব্যবস্থাপক (বীজ) জনাব এম,এ,মোকিত, ইক্ষু গবেষণা ও প্রশিক্ষণ ইনস্টিটিউটের পরিচালক, জনাব ইয়াসিন আলী, সংশ্লিষ্ট প্রজননবিদ এবং সভাপতি মহোদয়। বিস্তারিত আলোচনা এবং গবেষণামূলক বিভিন্ন তথ্যাদি পরীক্ষা-নিরীক্ষার পর উপস্থিত সদস্যগণ জাতটি বৃহত্তর রংপুর, বগুড়া, রাজশাহী, পাবনা, যশোর, ময়মনসিংহ অঞ্চলে চাষাবাদের নিমিত্তে অনুমোদনের জন্য জাতীয় বীজ বোর্ডের নিকট পেশ করার ব্যাপারে মতামত প্রদান করেন।

খ) ইক্ষু গবেষণা ও প্রশিক্ষণ ইনস্টিটিউট কর্তৃক উদ্ভাবিত আখের জাত ঈশ্বরদী-২১ এর অনুমোদনের বিষয়ে সভায় বিস্তারিত আলোচনা হয়। সভাপতি মহোদয়, পরিচালক, ইক্ষু গবেষণা ও প্রশিক্ষণ ইনস্টিটিউট এবং উপস্থিত সদস্যগণ আলোচনায় অংশগ্রহণ করেন। আলোচনা শেষে জাতটি রংপুর, বগুড়া, রাজশাহী, পাবনা, যশোর, ময়মনসিংহ অঞ্চলসহ বৃহত্তর কুষ্টিয়া জিলার মিলজোন এলাকায় চাষাবাদের সুপারিশসহ অনুমোদনের জন্য জাতীয় বীজ বোর্ডের নিকট প্রেরণ করার পক্ষে মতামত ব্যক্ত করেন।

সিদ্ধান্ত : ইক্ষু গবেষণা ও প্রশিক্ষণ ইনস্টিটিউট কর্তৃক উদ্ভাবিত আখের জাত ঈশ্বরদী-২০ বাংলাদেশের বৃহত্তর রংপুর, বগুড়া, রাজশাহী, পাবনা, যশোর এবং ময়মনসিংহ অঞ্চলে এবং ঈশ্বরদী-২১ রংপুর, বগুড়া, রাজশাহী, পাবনা, যশোর, ময়মনসিংহ অঞ্চল সহ বৃহত্তর কুষ্টিয়া জেলার মিলজোন এলাকায় চাষাবাদের অনুমোদনের জন্য জাতীয় বীজ বোর্ডের নিকট সুপারিশ করা হয়। জাত দুইটি দেশের অন্যান্য অঞ্চলেও চাষাবাদের নিমিত্তে পরীক্ষা কার্য চালানোর জন্য সংশ্লিষ্ট গবেষণা ইনস্টিটিউট এর প্রতি অনুরোধ জানানো হয়।

আলোচ্য বিষয়-৪ : বাংলাদেশ কৃষি গবেষণা ইনস্টিটিউট কর্তৃক উদ্ভাবিত আলুর তিনটি জাত (১) পি-৫০৯ (২) মবিন ও অবিগো এর অনুমোদন।

বিষয়ে সভায় বিস্তারিত আলোচনা হয়। আলোচনা ও বিভিন্ন পরীক্ষা-নিরীক্ষার পর পি-৫০১ এর জনপ্রিয় নাম 'হীরা' হিসাবে নির্বাচন করা হয়। জাত তিনটির বৈশিষ্ট্য ও চাষাবাদ পদ্ধতির উপর নির্ধারিত ছক অনুযায়ী বাংলায় প্রয়োজনীয় তথ্যাদি প্রদান সাপেক্ষে অনুমোদনের বিষয়ে উপস্থিত সদস্যগণ একমত পোষণ করেন। উল্লিখিত তথ্যাদি পাওয়া গেলে পরবর্তী জাতীয় বীজ বোর্ডের সভায় অনুমোদনের জন্য সুপারিশ করার সিদ্ধান্ত গ্রহণ করা হয়।

সিদ্ধান্ত :

ক) বাংলাদেশ কৃষি গবেষণা ইনস্টিটিউট কর্তৃক উদ্ভাবিত আলুর জাত পি- ৫০১ এর জনপ্রিয় নাম 'হীরা' নির্বাচন করা হয়।

খ) পি-৫০১, মবিন ও অবিগো জাতের আলুর প্রত্যেকটির জন্য পৃথকভাবে নির্ধারিত ছক অনুযায়ী বাংলায় বিবরণী দাখিল সাপেক্ষে বাংলাদেশে চাষাবাদের অনুমোদনের জন্য জাতীয় বীজ বোর্ডের নিকট সুপারিশ করা হলো।

আলোচ্য বিষয়-৫ : বাংলাদেশ কৃষি গবেষণা ইনস্টিটিউট কর্তৃক উদ্ভাবিত মাস কালাই এর একটি নতুন জাত 'বারিমাস' (এম,এ,এক-৯) এর অনুমোদন।

বাংলাদেশ কৃষি গবেষণা ইনস্টিটিউট কর্তৃক উদ্ভাবিত মাস কালাই এর একটি নতুন জাত বারিমাস এর উপর সভায় বিস্তারিত আলোচনা হয়। আলোচনায় অংশগ্রহণ করেন বাংলাদেশ কৃষি উন্নয়ন কর্পোরেশনের প্রধান ব্যবস্থাপক (বীজ) জনাব এম এ মোকিত, সংশ্লিষ্ট প্রজননবিদ ডঃ মামুনুর রশিদ, প্রকল্প পরিচালক, কন্দাল ফসল, বিএআরআই ও সভাপতি মহোদয়। বিস্তারিত আলোচনার পর উপস্থিত সদস্যগণ এ জাতটির বাংলাদেশে চাষাবাদের অনুমোদনের স্বপক্ষে জাতীয় বীজ বোর্ডের নিকট সুপারিশ করার বিষয়ে মতামত ব্যক্ত করেন।

সিদ্ধান্ত : বাংলাদেশ কৃষি গবেষণা ইনস্টিটিউট কর্তৃক উদ্ভাবিত মাসকালাইর নতুন জাত বারিমাস (এম,এ,কে-৯) এর অনুমোদনের জন্য জাতীয় বীজ বোর্ডের নিকট সুপারিশ করা হয়।

আলোচ্য বিষয়-৬ : বাংলাদেশ কৃষি গবেষণা ইনস্টিটিউট কর্তৃক উদ্ভাবিত মসুরের একটি জাত উৎফলা (এল-৫) এর অনুমোদন।

বাংলাদেশ কৃষি গবেষণা ইনস্টিটিউট কর্তৃক উদ্ভাবিত মসুরের জাত উৎফলা এর অনুমোদনের ব্যাপারে সভায় বিস্তারিত আলোচনা হয়। জাতটির মাঠ মূল্যায়ন দলনেতা কর্তৃক কোন মাঠ মূল্যায়ন না থাকায় অনুমোদন করা সম্ভব নয় বলে সকল সদস্যগণ অভিমত ব্যক্ত করেন। তবে সকল সদস্য এ ব্যাপারে একমত হন যে মাঠ মূল্যায়ন দলের সুপারিশকৃত প্রতিবেদন পাওয়া মাত্রই এই জাতটি অনুমোদনের ব্যাপারে বিবেচনার জন্য সত্বর কারিগরি কমিটির সভা আহ্বান করার প্রয়োজনীয় ব্যবস্থা নেয়া হবে।

সিদ্ধান্ত : মাঠ মূল্যায়ন দলের মূল্যায়ন প্রতিবেদনসহ পরবর্তী কারিগরি কমিটি সভায় উৎফলা জাতটি অনুমোদনের জন্য পেশ করার সিদ্ধান্ত গৃহীত হয়।

আলোচ্য বিষয়-৭ : বিবিধ।

সভায় বিবিধ আলোচনা প্রসঙ্গে এই মর্মে সুপারিশ গৃহীত হয় যে, কারিগরি কমিটির সদস্যদের মধ্য হতে কতিপয় সদস্যকে পরবর্তীতে মাঠ মূল্যায়ন দলের সদস্য হিসেবে গ্রহণ করা যেতে পারে।

অবশেষে আর কোন আলোচনা না থাকায় সভাপতি মহোদয় সকলকে ধন্যবাদ জানিয়ে সভার কাজ শেষ করেন।

স্বাক্ষর/ ৯০-০৭-৯০ স্বাক্ষর/ ১০-০২-৯০

স্বাক্ষর
সদস্য-সচিব
কারিগরি কমিটি
জাতীয় বীজ বোর্ড
এবং
প্রধান বীজ প্রত্যয়ন কর্মকর্তা
বীজ অনুমোদন সংস্থা।

স্বাক্ষর
(ডঃ এস.ইউ. চৌধুরী)
সভাপতি
কারিগরি কমিটি, জাতীয় বীজ বোর্ড
এবং
নির্বাহী সহ-সভাপতি
বাংলাদেশ কৃষি গবেষণা পরিষদ।

উপস্থিত সদস্যদের তালিকা

| ক্রমিক নং | নাম ও প্রতিষ্ঠান |
|-----------|------------------------------------------------------------------------|
| ১। | এম.এ. মোকিত, প্রঃ ব্যঃ (বীজ) বাঃকঃউঃক |
| ২। | মোঃ আবদুল আজিজ মিয়া, সিএসও,বি |
| ৩। | মোঃ আঃ সান্তার, অতিরিক্ত পরিচালক (সরেজমিন), ডিএই |
| ৪। | মোঃ ইয়াসিন আলী, পরিচালক, এসআরটিআই |
| ৫। | ডঃ মামুনুর রশিদ, প্রকল্প পরিচালক, কন্দাল ফসল, বিএআরআই |
| ৬। | ডঃ মতিউর রহমান, প্রধান বৈজ্ঞানিক কর্মকর্তা (ডাল), বারী, আঃকঃগঃ কেন্দ্র |
| ৭। | ডঃ এম. মাইছের আলী, পরিচালক (কৃষি), বিজেআরআই |
| ৮। | এম, মাহতাব উদ্দিন, সিএসও, বিজেআরআই |
| ৯। | ডঃ এম.এ. করিম, প্রধান (প্রজনন বিভাগ), এসআরটিআই |
| ১০। | মনির উদ্দিন খান, মুখ্য বীজ প্রযুক্তিবিদ, বীজ অনুমোদন সংস্থা |